

Aalisarnermut aningaasaliissutitut immikkoortitat pillugit Inatsisartut inatsisaata allanngortinneqarneranik Inatsisartut inatsisaat (Tapiisarnermut tunngavissanut allanngortitsineq)

§ 1

Aalisarnermut aningaasaliissutitut immikkoortitat pillugit Inatsisartut inatsisaat nr. 15, 20. november 2006-imeersumi, kingullermik Inatsisartut inatsisaat nr. 13. 2. december 2009-imeersumi allanngortinneqarsimasumi, makkua allanngortinneqarput:

1. § 15, *imm.* 2 imatut oqaasertaqartinneqassaaq:

"*Imm.* 2. Isaterinissamut tapiissutit annerpaamik sillimmasiinerup nalingata 100 %-iata nalinganut annertussuseqarsinnaapput, piniutit ilanngunnagit."

2. § 15-mi *imm.* 3 nutaatut ikkuunneqassaaq:

"*Imm.* 3. Angallat sillimmaserneqarsimanngippat, angallatip nalinga naliliisartumitarlaannaannulluunniit attuumassuteqanngitsumiit, Aalisarnermut, Piniarnermut Nunalerinermullu Naalakkersuisoqarfimmiit toqqarneqartumiit, aalajangerneqarsinnaavoq. Qinnuteqartup angallatip nalilerneqarnerani aningaasartuutit akilissavai."

Tamatuma kingorna *imm.* 3 *imm.* 4-ngorpoq.

§ 2

Inatsisartut inatsisaat atuutilerpoq 1. januar 2012.

Namminersorlutik Oqartussat ulloq 22. november 2011.

Kuupik Kleist

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut